

QUÆSTIO MEDICA

QUOD LIBETARIIS DISPUTATIONIBUS

MANE DISCUTIENDA

IN SCHOLIS MEDICORUM,

Die Jovis 10. Januarij.

M. NICOLAO RAVEAU

DOCTORE MEDICO, Præside.

Est-ne Hippocratis Physiologia Medico satis.

I.

SI quæris quænam sit Hippocratis Physiologia, unus te docebit ejus interpretis omnium optimus: neque tamen ab eo expectari velim, ut hæc omnis proponatur Medicinæ pars, quæ tot Medicorum studiis difficultatibusque amplificata, dicam an obscurata nunc vulgo extenditur ad calorem nativum explicandum? Corporis humores, partes, facultates, ac functiones: neque in solâ temperamentorum ex elementis cognitione acquiescit. Divinus quidem senex tam brevitatis cultor, quam omnis Medicinæ parens multa tot documentorum capita paucis verbis aperuit, aperta posteris reliquit perfequenda: nimirum eò potissimum mentem, rationemque intendens, ut qui servandâ hominis valetudine naturæ minister, adjutor, imitator, seu medicus futurus erat, is naturam morborum curatricem declararet sitam esse in legitimâ corporis humani temperie ex igne, aëre, aquâ, terrâ velut elementis conflatâ, quæ à se inventa toti rerum universitati apparavit, & Medicinæ necessitati subjecit: ad id omne frigoris, humiditatisve moderatione restituendum, continendum, quod caloris, siccitatisve excessu sanitatis limites superaret. Qui vero medici hanc veterem naturæ describendæ formam vetustiore quâdam, aut magis novâ Philosophiâ posteriorem ducunt pro junone nubem amplectuntur, neque suam stationem minus deserunt, quam Hippocratis Physiologiam.

VULGARIA elementa corpora sunt simplicia, omnium prima & ultima, calore, frigore, siccitate, quæ tactûs iudicio primæ dicuntur, qualitibus maxime prædita, uno verbo elementa, non principia. De utrisvis autem nemo acrius contendet, nisi indutâ Physici contemplatoris personâ, artificem Medicum pene exuerit. Quam enim utilitatem ad medendum percipiet ex animæ aut aliorum principiorum notitiâ tot disputationibus obnoxia? Imo quantum Medicinæ interest hominis generationem juvare, interitum arcere, valetudini prospicere, tantum ab ejus officio aliena videbitur aut ea pervicacia, quæ jamdudum corporum fundamenta extruebat ex sulphure, mercurio, sale; aut ea diligentia, quâ nunc crambe recoquitur Democriteæ parum dissimilis, quasi atomorum veluti figuris & concursione gigneretur, solâ earum secretionem intiremus, atque mutato earundem situ absque ullâ caloris, frigoris, siccitatis, humiditatisque actione mutaremur ad tot vivendi & valendi modos. Quin potius hæc diversa humanæ constitutionis discrimina pendent non à corpusculorum æternorum, & numero infinitorum appositione, confusione, sed ab ignis, aëris, aquæ, terræ per minimas partes mixtione, quam mutua qualitarum eis insitarum inter se pugna præcedit, ac deinceps destruit, temperata concordia diutius fovet, ac tuetur. Saltem vetus sapientia rerum *συγκρισιν* & *διελειψιν* satis explosit, & quæ utriusque adhæret *παραρρηψιν*, ut nec à novitate ullum eis autoritatis pondus accedat, nec à nobis ulla faventior consensio ad medendum.

II I.

QUEMADMODUM curatio Philosophia quædam est quæ morbi causam Medico certissime explicat, ita & corporum quibus constamus naturam: neque enim Medicus, ut solet quotidie, ad debitam sanitati temperiem contrariis qualitibus revocabit corpus nimio calore flagrans, frigore rigens, siccitate durum, humiditate diffuens, nisi hoc artis beneficio primam hominis structuram reparaverit morbo violatam. Ut ut veteres quæ hodie interpolantur atomi, aut paracelsica somnia cum hac agendi virtute minime consentirent, est quidem humana salus vanâ quâvis disputatione potior. Verum non adeo forte dissentient, si communes elementorum qualitates considerantur nunquam ab eorum corporibus sejunctæ, calor ab igne, & aëre; frigus à terrâ, & aquâ; siccitas iterum ab igne, & terrâ; humiditas quoque ab aëre, & aquâ. Quamobrem suus erit unicuique mixto modus substantiæ ex tot eorum particulis

3
& attritis, & variâ alteratione permixtis, quæ seu figuris, seu motu, seu aliâ quâcumque ratione qualitaturn discrepent; quorsum Hippocratis Physiologia, & mixtionis opus è medio tollitur? Tum præsertim si amarum, acidum, dulce, salsum non ex aliis formentur elementis; si deinde figuræ neque vulgariurn particulas dedecere possint, neque materiæ motus à primo naturæ autore sapientius deducatur, quam ab igne omnium maxime mobili, & actuosio. Porro secundæ elementorum vires gravitas, levitas, raritas, densitas, crassities, tenuitas, & cætera cum primis conjunctæ tam explicatu difficiles, quoquomodo definiantur, Medicorum animis pariter exponant tot colorum, odorurn, saporurn rerurnque mysteria; & ad manûs tradent tot medendi auxilia, quot occultis qualitatibus magis occulantur.

I V.

MEDICO vix unquam est satis pro auctoritate canities sed plerumque pro ratione sensus ad ægrorum utilitatem, quam ad rerurn veritatem fere intentior. Quia nec facile ei fuit, nec necesse materiam assequi elementis nostris priorem origine, & naturâ: communem ex igne, aëre, aquâ, terrâ singulis rebus substravit quâ subtilem, quâ crassiozem, recentioribus quidem satis ad sua cuiusque corporis primordia; satis quoque chymicis ad suum sulphur, mercurium, salem; satis denique nobismetipsis qui veluti elementa amplectimur bilem, sanguinem, pituitam, melancholicum succum. Modo enim bonâ fide medeamur, hæc omnia ad Hippocraticam recident Physiologiam, dum quæ remedia bilem suâ frigiditate temperabunt, ea quoque sulphureas, igneasve corporis faces extinguunt, & scobis cuiusque subtilitatem intricabunt; quæ deinde crassiozem materiam expedient; agentque, ea melancholicam, & terrenam fæcem diluent, & tartareum salem. Dubitasne præterea, utrum hæc medicamenta nos aliquâ qualitatis similitudine affectura sint, utrum aliquo particularum quibus constant interno motu? Attamen seu calorem, ac humiditatem diversâ partium agitatione, seu frigus & siccitatem earundem quiete, ac implicatione definias, quid tum inde? Nisi quod vini calor quos accendit spiritûs, agitabit; lactucæ frigus, quos refrigerabit, eosdem compinger, & figet: neque aliter in explicandis aliorum sensuum officiis præcepta cuduntur vix usitatis meliora, aut nova nomina eduntur, ut vere pronuntiatum sit ab oraculo Medicinæ eos ad eandem referri sententias, qui de rerurn elementis tam longè à se invicem discedebant.

ITAQUE Hippocrates Medicinam primus à studio sapientiæ se-
paravit, ne forte Philosophorum inter se contentius tumultuan-
tium clamoribus medica utilitas turbaretur, & everteretur, cui præ-
ceptor noster omnium minime defuit, dum etiam nonnulla obscure
scripsit, multa breviter, sed perperam nihil. Hanc deinde ignoravit,
aut tacuit quasi minus necessariam tot facultatum suppellectilem,
quâ jam usque ab Hippocratis ætate exornatur *ἑλωμελιν*. Nostro
quidem corpori temperiem partibus ubique singulis præfecit, quæ
natura; calorem quoque nativum in corde excitavit, qui ab eo ani-
ma vocatur, non nimis vere, satis tamen Medice. Magnam præte-
rea censuit esse partium omnium inter se consensionem, neque has
ut pote Asclepiadarum liberis diu cognitatas anatomico stylo descrip-
sit, neque etiam omisit; verum omnes continentium, contentarum,
& impellentium censu complexus, earum plerasque suis commen-
tariis interpositas nec obscure depinxit, ubi se morbi dignoscendi,
curandi, ac de eo prædicendi occasio offerebat. Humanæ etiam
procreationis arcanum divinâ quasi obscuritate involutum nonne
is omnium primus visus est explicare, qui totius corporis, & mundi
elementa omnium primus tam sapienter exposuit, ut ad omnem
medendi prudentiam nihil aliud, vel amplius desiderari potuerit?
Jam si quid egregiâ, ac solerti posterorum meditatione ei fuit adje-
ctum, id ipsum forte ad artis dignitatem, & splendorem magis,
quam ad ejus necessitatem erit profuturum.

Estigitur Hippocratis Physilogia Medico satis.

DOMINI DOCTORES DISPUTATURI.

*M. Antonius de Saint-Yon,
Regis Medicus ordinarius,
M. Claudius de Quanteal.
M. Ioannes Robur.*

*M. Ludovicus Gayant, Re-
gis Medicus ordinarius,
M. Franciscus Vezou,
M. Claudius Puyton.*

*M. Petrus Bourdelot.
M. Carolus le Breton.
M. Claudius Perrault.*

Proponebat Lutetiæ LUDOVICUS POIRIER Richelæus,
A.R.S.H. MDCLXXV.

P A R I S I I S,

Apud FRANCISCUM MUGUET, Regis & Illustrissimi Ar-
chiepiscopi Parisiensis Typographum.